

# 佛說阿闍世王經卷上

惟五

後漢月支三歲法師支婁迦讖初譯

聞如是一時佛在羅閱祇耆闍崛山中萬二千比丘俱菩薩八萬四千一一尊復尊諸菩薩摩訶薩悉得諸總持悉得無所罣礙悉得無所從生法而得如三昧慧悉得知一切人

心之所行如所欲以法教令各得其所諸四大天王及天帝釋釋天及諸天子龍闍又捷陀羅阿湏倫迦留羅真陀羅摩休勒人非人悉來會

時文殊師利在山一面異處與二十五上人俱何謂二十五人者悉是菩薩各各有名名曰若那師利那羅達師利三波師利劫波頭師利波頭師利劫闍陀因陀樓陀羅尼陀樓羅陀波尼羅陀牟訶多私訶末師訶惟迦闍樓者非陀遍阿難陀譬義波貿耆羅耶阿難

陀阿藍惟訶羅摩底吒沙牟迦底陀阿愈達薩和額悉是爲二十五上人名四兜術天子來到文殊師利所欲聞法故其天子名沙摩陀鳩迦摩羅無拘迦摩漫那羅捷陀沙訶漚術曇惟訶是爲四天子復有異天子少少來到文殊師利所欲聽法故上人諸天子悉坐各各說佛智慧甚尊無窮極不可議不可度不可量不可以凡而應僧那皆言當何作法證方便而至無極智慧乃至佛一切智不可議慧首菩薩言於功德無有厭於諸功德無所希望你是者可至無極慧

惠施菩薩言等心如寂其心悅懌柔軟自隨是者可至無極慧

其教便持薩芸若心而堅固於僧那僧涅槃具足平等菩薩言不計校劫數其當來劫無央數不可以爲許是爲僧那於僧那不自貢高作者可至無極慧

具足行菩薩言不自念安可至無極慧所以

者何欲令一切皆安故你是念者不求復悉  
安一切作是者可至無極慧

蓮華具足菩薩言其不自伏意者亦不能伏  
他人意其能自伏意者乃能伏他人意作是  
者可至無極慧

蓮華具行劫菩薩言其有隨欲者不可度欲

惟五

不隨欲者是乃度欲其菩薩者有得利不得  
利其心無有異若苦若樂若謗若歎若惡若  
善於是無所著所以者何亦不憂亦不喜作  
是者可至無極慧

制持諸根菩薩言不念他人作功德我可得  
作是者不入無極慧當念獨而無有伴所以  
者何念於一切故諸不辦者我當辦之湏臾  
極慧

持行如地菩薩言譬如地一切草木藥舍  
宅城郭無不因地而住者地亦無所置一切  
仰而得活亦不以為煩苛菩薩者亦當如是

持心當若地亦不喜怒持心當令一切各各  
得其所亦不念還復其作是者可至無極慧  
寶願菩薩言當持心如尊不自卑於夢中亦  
無二心所以者何無嚴漢辟支佛意其所作  
者譬如若如寶不離薩芸若不失一切人心於  
珍寶心無所貪惜其從索者皆開導爲摩訶  
衍所以者何無心與心等者無心慧與心  
慧等者亦無所增無所減其心無所貪惜作  
是者可至無極慧

寶印手菩薩言視五道生死人譬如墮海菩

薩若心而懸念之當以手授之所以者何爲  
無黠者作黠首其貪者爲作無所惜首其不  
惟五

持戒者爲作戒首其瞋怒者爲作忍辱首其  
懈怠者爲作精進首其亂意者爲作一心首  
其無慧者爲作智慧首其無功德者爲作功  
德首以功德首印三法寶何謂三令一切具  
足佛智慧教化而造作自解其身珍寶功德  
念一切諸法譬喻空是故爲法寶之首是爲

三其作是者可至無極慧

師子意菩薩言其身作是僧那者無所恐懼亦不畏亦不却亦不解衣毛不復起所以者何於生死無有惡故亦不作於泥洹等住於苦樂不作二心作是者可至無極慧  
師子步過無懼菩薩言其弱劣者不能逮此

慧紫磨金色菩薩言所念譬如空所以者何無所不遍以大哀無所不覆其心常喜面顏而悅諸欲所樂者其心不在其中所施與譬如天無所不蔽其戒忍辱精進一心智慧亦復如是作是者可至無極慧

者是大士之所作所以者何以捨衆惡以不謾誦以應質朴則不貢高無瞋恚之心所作不從非法所以者何用忠正故則無姪汰以無惡心其愚癡若冥以無此者其身口意以平等所語如語不失其意甚尊所作欲成所以者何用至誠故俱以法自娛樂以如法者不貪惜壽命所以者何不貪軀命不捨一切故所施與無所貪惜欲令人得其所故所入者正則非邪道其貧者爲作珍寶藏其有病者則爲作醫其恐懼者則爲作護其劣者則爲作道地其入邪者則爲作正導其無則者則爲作智一切諸順何所恨起意大士以度

發意即轉法輪菩薩言其有新發意者不當令魔得其便不失諸佛天神意作心住者以應法輪轉所以者何用發好心故所以者何一切諸法無所生其作是者可至無極慧

諸語自然普無不入菩薩言當持心無所不入所以者何諸法自然其本悉空一切所語

惟五

四

皆空譬若虛空無所不入菩薩者當復如是其心無所不入有所作如語其智無所不曉其作是者可至無極慧

樂不動菩薩言諸所有音無有音諸所有聲而不可得以知是者亦不以喜亦不以憂亦不懈怠所以者何譬若大山而得風亦無所

動諸好音惡音菩薩心亦不喜歡亦不以憂  
感所以者何無所著無所著謂佛語若異道  
語俱空無所有視諸欲有所作者皆有盡以  
知盡而不貢高作是法者疾成至佛  
海意菩薩言其心當如海所受慧而無極譬  
如海受於衆流合為一味菩薩以諸所有合

為一法所以者何用微妙故不與十二因緣  
有所變念法身亦不增亦不減為一切作功  
德所作功德欲令一切皆得是為不可盡功  
德當護不著不斷以意力制身諸所有所作  
皆等無有異你是故發意慧者具足可至無  
極慧

大光明菩薩言當持心其智慧其光明如佛  
非俗人之所作其意習光明無所不照所以  
者何欲令世間知以為法則其意習施與光  
明無所不照習戒光明無所不照忍辱精進  
一心智慧悉習其光明無所不照作是者可  
至無極慧

談明菩薩言以功德慧心為眼清淨所視色  
無有惡聲香味細滑法亦復如是以淨於六  
事何謂六眼耳鼻口身意諸所可者不那中  
作樂用心淨故所視人欲令悉入佛法其不  
正者以法率化所有好物人來索之無所愛  
惜既與不從後悔作是者可至無極慧

可意王菩薩言其有罵詈撻捶者亦不瞋恚  
但念其法以何念法何所罵者何所瞋者其  
撻捶亦爾以內空無所得於外空無所疑身  
於身無所見亦不見於他人所以者何其索  
手腳者歡喜與之其欲取頭者其心倍悅若  
索城及珍寶其有索者無所貪惜其求妻子  
即持施與無有異心若諷誦起是經得一章  
歡喜不樂為金輪王歡樂為一切人說法而  
不作釋願樂遣一人發心為菩薩不作梵天  
願樂見佛不貪三千大千刹土之珍寶作是  
者常無懈怠如是歡喜可至無極慧  
所視無底菩薩言視一切諸所有不念是我

所悉清淨刹土不念有與無見諸佛不想色求所以者何用法身故視一切人心不求一切人之所以者何其德眼逮得清淨便有道眼神足備具以得慧眼便知所有無所可貪便得佛眼十八法悉具以得法眼者具足十種力其如僧那僧涅槃者便至無極慧作無底行菩薩言一切所作如薩芸若所作何以故無所住故以無所住但念諸法菩薩作是者不以諸順何爲隨亦不以罪隨亦不以魔事隨所以者何不捨法故不犯非法以故致是以度眾所作魔事以應是者可至無極慧

說息愛意菩薩言一切所有者亦不從人受以所作便唵啞諸魔以自知者無所有亦無所復作以知無所復作便制五陰以知五陰者無有魔事以度魔界者所作中道無所覆蔽已度無所覆蔽菩薩摩訶薩你是者可至無極慧

作如法其心無異所以者何常當專心作善其身有所作不欲令人不可若口若意所作不欲令人有不可其有愁憂者以法寬大令不愁憂作是者是爲菩薩摩訶薩可至無極慧得一切願菩薩言其有如淨戒者所願必得以如淨戒者不復犯俗不犯俗者以應三十七品根株如薩芸若其以如淨戒者不犯三十七品是爲菩薩摩訶薩所作以至無極慧普等華天子言譬如樹有華其見莫不歡喜所作功德一切莫不蒙者譬如忉利天上拘耆樹而有華熾盛諸天莫不愛樂菩薩以光明華天子言譬如日出衆冥索盡所有諸色悉見菩薩以智慧無所不照其諸愚癡冥盡索爲開闢所以者何終不而當明故其

惟五

六

在冥者見明便得道徑菩薩以住道徑者其忘失道徑者指示道路以如是者可至無極慧天香華天子言譬如曼陀羅華其香聞縱廣上下四維各四十里菩薩以所聞淨戒三昧持智慧以爲香三千大千無不聞者是香愈無央數人病其以所聞淨戒三昧智慧善<sup>惟五</sup>

薩以住是者便至無極慧

信法行得天子言當依法當所作者以如菩薩法者常不復懈怠無所復懶無復念便當得十事習六波羅蜜以四等心五旬四事揔三脫忍辱利令人發意其身不離以溫和拘含羅教悉持諸法要所信無有異是爲十事其作是者可至無極慧

文殊師利謂諸上人及諸天子菩薩住無所住何謂住無所住於三界不以三界作習不習者是爲內亦不求習者是爲外雖外不惰弟子無所習復不惰辟支佛地習謂生死所學習謂無所知習者是爲名所學習是爲色

習者是因緣所學習謂有所見習者謂愛所學習謂有所根習者謂我有所學習謂非我習者貪所學習所施與無有異習者謂犯戒所學習不於戒自貢高習者謂瞋怒所學習忍辱而不貢高習者無精進所學習精進而不自貢高習者謂亂意所學習爲一心而不自貢高習者謂無知所學習智慧不貢高習者謂無功德而不貢高習者功德所學習謂作謂俗法所學習謂道法不自貢高習者謂無脫所學習謂得脫而具足不貢高習者謂有罪所學習無有罪亦不貢高習者謂有餘所學習無有餘盡亦不貢高喜薩習無所習一切護亦不著亦不斷你是者便至無極慧諸法一切無所得所以者何無所入亦無所不入故是一切智便至一切智無所得者一切智得一切智不可以色計痛癢思想生死識亦爾不從法數亦不從非法數亦不一切智施與爲數所以者何施與者亦不離一切

智戒忍辱精進一心智慧亦不爲數何以故  
一切智從智慧一切智者無所不入亦不過  
去當來亦不入現在所以者何以過三世故  
一切智者不以眼而視之耳鼻口身意亦爾  
所以者何以過諸界故若男子女人欲來一

五  
切智者當如一切智住當云何住於諸法一

切無所住是爲一切智住不自念法是我所  
作是者爲一切智一切人法佛法等如是無  
有異是爲一切智其求欲得一切智者會從  
四大得所以者何爲身不作身計所以者何  
不以作因緣故其有功德法無有功德法其  
所有是爲我所者皆非我所我者無所生無  
所生者無有計其計者是爲不生其示若見  
者是皆無有生以知無生無所生慧你是等  
者是爲薩若文殊師利說是事時二千天  
子悉得無所從生法忍萬二千人悉發無上  
平等道意

樂不動菩薩謂文殊師利共到佛所問菩薩

當云何住應時文殊師利化作如來在衆會  
中而坐其形狀被服如釋迦文佛文殊師利  
謂波坻槃拘利菩薩言屬之所問今佛在是  
可問菩薩住

波坻槃拘利菩薩不知是爲化佛前長跪問  
怛薩阿竭菩薩當云何有所住化佛言如我

所依菩薩當如是住復問云何如佛其佛言  
亦不從施與亦不從戒忍辱精進一心智慧  
亦不從欲亦不從色亦不從無色亦不從身  
行亦不從口行亦不從意行諸所行無所著  
故其佛問波坻槃拘利化者而有所從行不  
五  
則答言無所從行其佛言如化無所從行菩

九  
薩當作是行

波坻槃拘利菩薩復問文殊師利是佛當無  
化佛乎文殊師利答言若自知諸法如化不  
則答言諸法實如化文殊師利言以知諸法  
化何爲復問如來化

文殊師利言仁者謂以諸佛悉化則復問文

殊師利其佛者從何所化文殊師利言所作本清淨以故而有化文殊師利言故佛無有吾無有我無有人無有壽無有命亦不依佛住亦不依凡人住

波坻槃拘利菩薩復問化佛本何所學自致得佛其佛言無所學是菩薩學何以故亦不

自念我欲求是亦不求是亦不憂亦不喜亦不緣亦不所化亦無所見亦無處所亦無有想亦無有字亦無有色一切無所希望是菩薩學你是學者以爲等學你是學者無所著無所縛你是學者無有欲無有怒無有癡你是學者無所愛無所憎其學是者不自念我

所以者何雖無央數事念之皆空無所有合則爲空諸法不可見所以者何諸法等而無差特諸法悉默所以者何不語不言是故無念行亦不念得脫亦不菩薩自貢高其佛言若聞是學者不恐不怖不畏是故名爲菩薩

惟三

十

譬如若空不畏火不畏風不畏雨不畏烟不畏雲亦不畏雷亦不畏電所以者何是空法故成至佛者當依如我學復問何所是佛學其佛言亦不作罪亦不墮罪亦無所與亦無所持亦無所不持亦不持戒亦無有戒亦不忍辱亦不悲意亦不精進亦無懈怠亦不禪亦

波坻槃拘利菩薩問文殊師利今怛薩阿竭

所湊則答言所從來處而所湊所湊處從是

來波底槃拘利謂文殊師利其化者無所從

來無所從去何謂從來文殊師利答言譬若

如化來無道徑去無道徑諸法亦爾無所從

來無所從去波底槃拘利復問何所是諸法  
之處則答言自然住是之處復問一切何所

處是其處如所作是其處復問諸法無所作

無有罪文殊師利言如是者諸法無所作無

有罪其法者亦無有作者無有作罪者諸所

有悉入法身則復問文殊師利無有作無有

羅何以言人隨其所作文殊師利言審如所

問人亦無所作亦無有罪所以者何是人之

法法身故亦無有作亦無有罪如所作如所

得是三者等波底槃拘利菩薩復問是三事

等乎文殊師利言怛薩阿竭等故三事適等

復問怛薩阿竭者無作無罪無得是三事何

緣與等文殊師利言怛薩阿竭無作無罪無

得其作其罪其得如所爲以故等其罪以過

惟五

了不見罪已過當來亦不離怛薩阿竭故說  
是時如在釋迦文佛所

尊者舍利弗阿難及諸尊比丘悉承佛威神  
皆聞文殊師利所說舍利弗言善哉善哉上  
人之所作以法無所不感動不離法身其有  
智者聞是莫不發意佛言審如所語菩薩者  
學無所學所語平等無有異如所種得其實  
其菩薩者所學慧如是所說如慧佛語舍利  
弗汝若所學自致是慧

頂中光明菩薩白佛何所聲聞所學何所菩  
薩所學佛言有限有著故爲弟子學無有限  
無有礙是爲菩薩學如聲聞者其學小其智  
少菩薩者學廣大其所知無有極所說無所  
罣礙

光智菩薩白佛唯怛薩阿竭作感應令文殊  
師利衆會悉來到是所以者何其在是會皆  
令得無所亡失所以者何文殊師利所說甚  
深微妙其欲聞者隨其所欲各令得所佛即

感動文殊師利應時與二十五上人及諸天子俱到佛所前作禮而住

光智菩薩問文殊師利佛在是間而若何緣得在異處而說法文殊師利言所以不在是間者佛甚尊不可當或所語可怛薩阿竭意或不可意故在一面其善薩復問說何所法

而可怛薩阿竭者文殊師利答言佛自知之

復言雖爾會說其意文殊師利則言如我所知少當說則言何言是文殊師利言如所說所說法而不異如怛薩阿竭如本際而不可議如法住如法說為怛薩阿竭意無所止無所斷亦不緣亦不所緣亦無所增亦無所減作是說而不失怛薩阿竭意亦於身無所失亦不令他人有所失亦不亡法亦不亡生死亦不亡泥洹作是說者亦不失怛薩阿竭意佛言善哉善哉如文殊師利所說以可怛薩阿竭意所以者何亦不過亦不減適在中無所想所以者何文殊師利續三昧說事如故

不見諸法有所增者有所減者如文殊師利所語不失怛薩阿竭意說是語時八百天子皆得無所從生法忍

尔時衆會中復有二百天子皆前以發菩薩意而未堅固皆欲墮落各各有念佛法無有極難得至佛我等不在菩薩學中不如取羅漢辟支佛而般泥洹

佛悉知是人可成爲菩薩而中欲意轉佛便化作一迦羅越持百味食滿鉢賚到佛所前而作禮以鉢上佛唯加哀受之佛即受鉢文殊師利便從座起叉手白佛雖食當念故恩舍利弗心念佛本作何等而文殊師利言當念故恩乎即問佛文殊師利本有何功德而置怛薩阿竭佛言且忍今爲汝決狐疑即以鉢捨地其鉢便下沒過諸佛刹直下過七十二恒邊沙等刹土刹土名曰漚呵沙漚阿  
天竺語漢言  
名曰明開其佛號荼毗羅耶漢言光今現

過諸佛刹其佛侍者皆問佛是鉢從何所來  
諸佛言上方有刹名曰沙呵佛号字釋迦文  
鉢從彼來所以者何救護墮落菩薩意故以  
變化感動

佛語舍利弗行求鉢來舍利弗即承佛威神  
自以慧力入萬三昧過萬佛刹亦不見亦不  
惟五十三

得從三昧還白佛求之不見不得佛言且捨  
佛復謂大目捷連行求索鉢則承佛威神自  
蒙神足力入八千三昧過八千佛刹無所見  
無所得則從三昧還白佛求之不見不能得  
佛語須菩提行求鉢來則入萬二千三昧過  
萬二千佛刹亦不見亦不得即從三昧還白  
佛求之不見不能得則五百尊比丘各各以  
神足行求索鉢亦不能見亦不能得  
須菩提從座起白彌勒菩薩仁者高才一生  
補處現當來佛吾等行求鉢不能得唯行求  
之彌勒則答言如若所說實一生補處今者  
不及文殊師利所作三昧及其名字聽我所

言我作佛時如恒邊沙等悉爲文殊師利復  
不能知我行步舉足下足之事如今者實不  
逮及不如報文殊師利而行求之則須菩提  
白佛唯恒薩阿竭當令文殊師利而行求鉢  
佛即謂文殊師利行求鉢來文殊師利即默  
聲以受教即自思念而不起座不離佛不捨

衆會於是便能致鉢即時三昧爲無所不遍  
入即於衆會以手指地其手而下行所過佛  
刹悉爲諸佛接其足下方莫不聞其聲道釋  
迦文佛致問其臂者一一毛故億百千光明  
一一明者有億百千蓮華一一蓮華上者皆  
有菩薩其菩薩者皆各各歎釋迦文佛是所  
過刹土皆爲六反震動其刹土皆嚴莊幢旛  
而起所過處悉皆見文殊師利以右手悉接  
諸佛足皆言釋迦文佛之所以致問過七十二  
恒邊沙等刹到明開闢刹土乃至荼毗羅耶  
佛所前作禮爲釋迦文佛致問其臂上毛一  
一毛有億百千光明億百千蓮華一一蓮華

上有坐菩薩悉歎釋迦文佛功德其菩薩光明彼佛光明而不相錯各各自見光明王佛邊有侍者而尊菩薩名曰光尊自問其佛是誰手臂姝好乃爾其毛光明蓮華菩薩之所歌歎彼佛功德其佛言上方過七十二恒邊沙等刹土名曰沙呵其佛号字釋迦文佛今

惟五

古

現在前有菩薩名文殊師利不可思議僧涅槃智無所不度以續在彼佛前坐用鉢故而投手乃到是間其菩薩悉作是念皆白其佛譬如渴人欲得飲願欲得見釋迦文佛文殊師利及其刹土其佛即以兩眉中央相而放光明徹照過七十二恒邊沙刹乃至沙呵刹

其罪盡索是間菩薩悉問佛是光明從何所來今身皆安隱佛則言下方過七十二恒邊沙等佛刹土名涅槃沙何佛者号字茶毗羅耶放兩眉中央相光明菩薩悉白佛願聞欲見涅槃沙刹土及恒邊阿竭茶毗羅耶應時釋迦文放足下光明照下方過七十二恒邊沙等刹涅槃沙刹土及茶毗羅耶佛盡爲開闢彼刹菩薩見其光明入其身悉得摩訶低三昧具足三昧解之名須殊光明是間菩薩盡見彼佛及刹譬如在地住者莫不見日月星宿下方見是間亦如是間下方茶毗羅耶

惟五

十五

悉爲開闢其有人見其光明者皆得安隱其身譬如遮迦越羅其有凡比丘者得須陀洹其過三道上者皆有八惟務禪應時得羅漢其菩薩身得是光明者皆逮得日明三昧茶毘羅耶佛刹諸菩薩從彼間悉見是間及諸聲聞諸菩薩以見是間刹土則而淚出便言

央數拘利那術百千菩薩俱而來上所過諸  
刹土其蓮華一一毛光明稍稍而盡其鉢便  
在手中是間  
文殊師利則從座起爲佛作禮以鉢授佛佛  
則受之其菩薩從下上者悉作禮各各自以  
佛名謝

佛爲文殊師利所發意自致成佛我等何爲  
懈怠用是念故其心則堅悉得盡信阿耨多  
羅三耶三菩心文殊師利以手變化而得鉢  
無所不感動是謂本之學習從是刹土乃到  
下方過不可數人皆悉發阿耨多羅三耶三  
菩心十方今現在諸佛皆以珍寶華蓋用供  
養法故悉覆三千大千之刹土從其華蓋盡  
聞其音如釋迦文佛之所言皆文殊師利之  
所感動佛語舍利弗若男子女人欲疾般泥  
洹者當發阿耨多羅三耶三菩心所以者何  
有人畏生死而不能發心爲阿耨多羅三耶  
三菩心欲求聲聞作阿羅漢早取般泥洹其

於是言者我續見在於生死中有菩薩而精  
進者已成至佛所以者何以過去無央數不  
可計阿僧祇劫爾時有佛号字一切度壽一  
萬歲有百億弟子有尊比丘名莫能勝其智  
慧甚巍巍後有尊比丘名得大願其神足亦  
甚巍巍尔時怛薩阿竭整衣服持鉢與比丘  
俱入常名聞國分衛其尊比丘智慧備足者  
在佛之右其神足比丘在佛之左有尊比丘  
名悔智隨佛後而侍之八千菩薩而在前導  
中有如釋者中有如天子被服者中有如天  
者中有如四天王者皆悉令人治道用怛薩  
阿竭故佛語舍利弗時佛以入城道徑而過

於市有三尊者子各各尚小莊嚴被服甚殊  
惟五  
好而共坐戲是一兒遙見佛且未及諸比丘  
善薩光明甚巍巍其小兒謂二兒以手遙指  
示之乃見怛薩阿竭來光明與相隨者不甚  
好乃余其二兒則言已見之一兒便言此  
者一切之中極尊而無與等者吾等當共供

養所以者何其福無量其二兒則答言亦無華香當何以供之其一兒則脫著身白珠著手中便報謂二兒是猶可以供佛智者見恒薩阿竭不當作貪財其二兒效解取著頭上白珠著其手中即各歎言行至佛所譬如渡水所以者何以其心淨而等住故是一兒復問二兒持是功德以何求索其一兒言願如佛右面尊比丘其一兒言願如左面神足比丘是二兒各各有是願已復共問一兒若願何等即報言我欲如佛其光明無比如師子獨步常有衆而隨我是兒作是說時虛空中八千天子皆言善哉善哉如若之所言天上天下一切蒙若恩是三兒相將來至佛前其恒薩阿竭呼侍者沙竭汝乃見是三兒而持白珠來者不其中央行小兒悅心精進來行舉其一足時却其罪百劫如下一足後事事當更百遮迦越羅如是數當復更釋亦如是其梵天亦等如是其一舉足之功德中百見

佛語適竟是三兒已到前為怛薩阿竭作禮各各以其白珠散佛上其二兒發聲聞意者所散珠各在佛上肩昇其一兒發阿耨多羅三耶三菩心者而散白珠在佛頭上而在虛空化為珠華交露之帳正等而四方中有床怛薩阿竭而坐之其佛則時笑沙竭勃問佛怛薩阿竭所笑會當有意願聞其說佛言見二兒發聲聞意者不所以者何皆畏生死之懼故是以不發菩薩心所以者何欲疾般泥洹故其侍者問其一兒當云何佛復謂言是中央兒以後自致成佛是二兒乃為作聲聞其一者智慧甚當尊一者神足亦復尔釋迦文佛問舍利弗汝乃知是中央兒不舍利弗言不及佛言則我身是乃知右面之兒不舍利弗言不及余時右面之兒則舍利弗是其左面之兒則摩訶目捷連是佛謂舍利弗汝等本畏生死故不發菩薩心而欲疾般泥洹觀其一兒發阿耨多羅三耶三菩心者今我

自致成佛如汝等不離吾法而作聲聞乃得  
解脫佛復謂舍利弗其欲疾般泥洹者當發  
意求佛如我屬之所說其疾者無過薩芸若  
所以者何無所罣礙故用特尊故用無盡故  
用阿耨多羅三耶三善心故莫能有及等故  
特有好故以過諸聲聞辟支佛故其欲作者  
便得薩芸若意亦復如是說摩訶衍品時萬  
人悉發阿耨多羅三耶三善心其一一尊比  
丘舍利弗摩訶目犍連阿難舍比摩訶迦葉  
螺越難頭耶和致離分陀頭陀須菩提等悉  
以頭面著佛足皆舉言若男子女人欲求道  
者當發尊意所以者何如佛百千法以爲吾

等說不能復發作菩薩心皆而有悔爲羅漢  
故不如本作五逆惡其罪猶有解脫可發心  
爲阿耨多羅三耶三善心今者以無所益所  
以者何違離佛種故其器者以不堪菩薩心  
所以者何嬖若死人無益於生者今吾等以  
得脫無益於天上天下有兩足若四足者皆  
依地而得活其有發心爲阿耨多羅三耶三  
善心者諸天及人皆蒙其恩

余時阿闍世王乘駟馬車與羣臣俱出而到  
佛所前爲作禮而住白佛言一切人從何因  
緣而作罪佛語阿闍世以住吾我人者便作  
罪貪身故而有身用是故不離其中阿闍世  
王復問助貪愛者根爲在何所佛言無黠是  
則復問誰是無黠根佛言所作與念異是故  
根復問何所與念異者佛言其本異所作謂  
是復問本異者何謂是佛言如幻所化無所  
有是故異復問誰化者佛言無有造者是故  
化復問無所生無所有當云何計佛言用無  
有生無所有故不可計復問所疑從何因緣  
起佛言無所據故何謂無所據佛言如所說  
聞之則疑是謂不據復問何所是道何所爲  
信佛言脫於婬怒癡是爲道何所是信佛言  
不得諸法根本其心不異是故爲信阿闍世  
王即言善哉善哉如怛薩阿竭所說一切人

所以不信者何自作故今我用惡人之言勑令臣下自殺其父用貪利國故用貪財寶故用貪利宰民故用貪利尊貴故今我使臣下而害其父貪身孤疑不能自解若飲若食在戲樂若在正殿聽省國事若在中宮五欲之樂若獨與衆俱晝夜而不忘飲食則不能消

唯五

十九

亦無其卧顏色亦無和悅時其心常怖懼知不離於泥犁則復陳言若盲者承佛所得眼目若爲水所溺者依佛而得脫其有苦痛者佛而令得安其有恐懼者佛而爲作護其有貧窮者佛能爲作珍寶其有失道徑者能示於道路佛以加大哀不以爲勤劇等心於一切堅固而你厚常忍於苦樂不捨於一切人今我身如怖慄唯佛當加護令危者而得安身無有能救者唯願而得濟無所歸者唯願受其歸今譬若無眼目唯得而視瞻如人之欲辭唯令而得住今當入阿鼻乃至大泥犁願令得不入唯怛薩阿竭今當爲我解說吾

是功德可而爲本阿闍世王則白文殊師利唯加大恩明旦屈德就宮而食則文殊師利答言以足可爲供養已文殊師利復言佛法非以衣食故阿闍世即白當何以施之則答言若深入微妙其事審諦無所汙亦無所著亦無所疑無所難無所畏無所一懼如是者以爲得哀文殊師利復語阿闍世念諸法亦不念有亦不念無是者以爲得哀不當念過去意亦不當念當來意亦不當念現在意依是者以得加哀汝不當念一切之所可見者亦不誠作是者以得加哀阿闍世王復白文殊師利如所言悉法之所載無有異唯以身

故當加哀受其請文殊師利復言且止其道者非以是故若飲若食若王不念有吾有我壽命人以念是者以得加哀若心無所持亦無所緣亦不四大亦不五陰亦不六衰亦不持三界亦不於功德亦不念無有功德亦不於俗亦不於道亦不於罪亦不於無罪亦不

惟

二

千

於餘亦不於無餘亦不於脫亦不於無脫亦不於生死亦不於泥洹作如是者以得加哀不於生死亦不於泥洹作如是者以得加哀阿闍世王復白文殊師利聞是法倍復踊躍以是故欲請之令我緣是而得安隱文殊師利答言汝希望有所緣欲得安隱是以不緣則無安隱所以者何因其法無所緣無有安

脫者當云何與道合文殊師利言汝知日明與冥合不阿闍世言不合所以者何日出衆冥悉闢文殊師利復問寧知冥在何所處則答言不可見處而在何所處文殊師利言所謂道智來時譬若日出不可知衆冥所在如是時亦不知未脫所在文殊師利復言道與未脫等未脫與道等何以故俱空故未脫與道等故諸法平等其知是者未脫則爲作道何以故求不脫不知處是故曰道其求不脫處而不可見是則道阿闍世復問云何不脫而爲道文殊師利言於不脫而爲道文殊師利言於不脫是爲道不作是者爲道阿闍世

惟五

主

復問其道者當云何學則答言如學諸法阿闍世復問以學諸法寧有處所不文殊師利言你是學道不可至阿闍世復問其學者當至泥洹不文殊師利言乃有法從泥洹來言我從泥洹來阿闍世即言亦無往者亦無來者文殊師利謂阿闍世其學道知無處所是故道阿闍世復問當何所住道而學你是則答言無所住是爲學道阿闍世復問其學道者不作淨戒三昧智慧住即答言其道者不緣戒不求三昧不貢高於智慧住文殊師利謂阿闍世乃可緣戒求三昧貢高於智慧作如是則有住處不阿闍世言無文殊師利言故當知道無所住阿闍世復問若男子女人當云何自前於道文殊師利言其欲學道者不見法有常無常不見法有脫無有脫亦不見法安若苦者亦不見法是我若一切人亦不見法在生死至泥洹者你是學道者爲以前阿闍世王即言善哉善哉如文殊師利菩

薩之所言唯願受其請所以者何用狐疑故熟自思念如諸法無吾無我無壽無命而我有狐疑文殊師利言如無者不可令有以無者亦不脫亦不無所脫其說我而有脫者以無有脫者亦不脫亦無所脫所以者何諸法悉脫故佛謂文殊師利受阿闍世王請用無央數人故文殊師利則言唯受怛薩阿竭教所以者何不違教故阿闍世則踊躍歡喜便從座起爲佛諸比丘及文殊師利作禮而去阿闍世行且問舍利弗文殊師利等輩者幾人舍利弗言五百人悉令於宮食便從道歸於城即勑太官令作百味之食即日治其殿上施其幢旛帷帳華蓋以華布其地悉持名香而熏之設五百高床皆布名珠統綻其色若干合宮之內悉皆嚴治以華香遍之勑令城郭諸街市里皆而掃除以華香從之道邊者皆施帷帳幢旛而起除之其里之門皆施雙結華令諸人民明日皆當導迎供養文殊

惟五

廿

師利即初夜文殊自念我與少少俱出至請

亦無他感動乃可到他方刹土請諸菩薩往

到彼所令就請復悉聽其所說法作是念時應時如伸臂之頃便從是不現到東方過八萬二千佛刹其刹名常名聞其佛号字惟淨首今現在有衆菩薩無異道其刹土常轉阿

惟致法輪其土諸樹悉皆衆寶其華葉實無央數色風一起時吹其諸樹但聞佛音但聞法音及阿惟越致僧音用是常聞三寶聲故其刹土名曰沙陀惟瞿吒文殊師利已在彼所為佛作禮白其怛薩阿竭願用我故盡令菩薩到沙呵刹土至阿闍世所而就食佛則謂之其欲行者便可往

二十三

惟五

佛說阿闍世王經卷上

佛說阿闍世王經卷下

後漢月支三藏法師支婁迦讖譯

惟六

應時二萬二千菩薩同共發聲我等欲與文殊師利俱行即時如其數菩薩與文殊師利俱悞忽以在沙呵刹土其處而坐其處者謂室中所以能容者是菩薩威神故悉共坐已

有

文殊師利說其法其法名曰陀隣尼文殊師利謂諸菩薩乃知何所法名陀隣尼者而言解一切法故其意無所望故所作無有異所念應時足所知如智慧其法者悉知其本所語如諦自護不墮用轉上故悉入諸法行陀隣尼者則道之元不斷佛元持法之元總持僧之元於諸法無有殆在人之所問即能知報答見衆而不却所以者何無所畏故欲教化諸天隨天之所欲而悉教之令各各得解及龍闕又阿須倫迦留羅真陀羅摩休勒人非人及釋梵下至一切諸蟲獸鳥獸各各知其意隨其所欲而悉教化令得其所悉曉了